

**Nd.**

## **129. Nefndarálit**

um frv. til l. um rafveitur ríkisins.

Frá iðnaðarnefnd.

Nefndin hefur orðið sammála um að leggja til, að frv. verði samþykkt með þessum

### **BREYTINGUM:**

1. Við 4. gr. Greinin orðist svo:

Rafveitur ríkisins mega ekki reisa, kaupa eða taka á leigu orkuver eða orkuveitu, nema undangengnar rannsóknir og nákvæmar áætlanir sýni, að virkin muni gefa þær tekjur, sem nægja fyrir öllum rekstrarkostnaði, þar með taldir vextir og afborganir stofnkostnaðar, eða nægilegt fé hafi verið veitt til virkjanna á annan hátt. Þá skal og, ef um er að ræða fleiri en eitt orkuver eða orkuveitu í senn, það orkuver eða orkuveita ganga fyrir um framkvæmd, sem áætlanir sýna, að ber sig betur fjárhagslega.

Enda þótt áætlanir sýni, að rekstrarhalli muni verða fyrstu árin á orkuveitu, skal hún talin með veitum þeim, sem bera sig fjárhagslega, ef hún samkvæmt áætlun rafveitustjóra hefur skilyrði til þess að vinna sig upp síðar og endurgreiða samansafnaðan rekstrarhalla fyrstu árunna.

2. Við 7. gr. Í stað orðanna „afborganir lána“ í 2. málsg. komi: hæfilegar afborganir lána, miðað við fyrningu.
3. Við 12. gr. Á eftir 1. málslíð gr. komi nýr málslíður, svo hljóðandi:  
Um alla veiði í slíkum fallvötnum skal hann leita tillagna veiðimálastjóra.
4. Við 13. gr. Upphaf gr. orðist svo:  
Ráðherra getur sett reglugerð um nánari framkvæmd laga þessara, þar á meðal um:

Alþingi, 30. marz 1942.

Emil Jónsson,  
foran., frsm.

Eiríkur Einarsson,  
fundaskr.

Bjarni Ásgeirsson.

Pálmi Hannesson. Jóh. G. Möller.